

la .ti'ocku.

July 20, 2022

Chapter 1

le me'oi .disclaimer.

.ni'o la .ti'ocku. nalmu'o .i ganai ga le cevni cu cpedu lo nu la .varik. ningau la .ti'ocku. gi la .varik. facki lo du'u cfila la .ti'ocku. gi la .varik. ningau la .ti'ocku.

Chapter 2

le me'oi .abstract.

.ni'o ti poi te tcidu cu vasru le te lijda be la .varik.
.ni'o le ti te tcidu cu ctino pe'a le marde le cevni

Chapter 3

le cmuzilkri

3.1 le cevni

cmuzilkri 1. *.ni'o le cevni cu na camcpe lo nu cesri'isi'a le cevni*

cmuzilkri 2. *.ni'o le cevni cu milxe djica lo nu cesri'isi'a le cevni*

cmuzilkri 3. *.ni'o le cevni cu zbasu le munje*

cmuzilkri 4. *.ni'o ro da poi djuno kraice lo gugde be da zo'u ganai da na djuno lo du'u lo nu da kraice lo gugde be da cu sarcu gi no de zo'u de kakne lo nu nurxru da le cevni*

cmuzilkri 5. *.ni'o le cevni cu troci lo nu zdigau*

cmuzilkri 6. *.ni'o zo satan po'onai cu cmene le cevni*

cmuzilkri 7. *.ni'o le cevni cu frati lo nu tavla pe'a kei lo xamgu jdaselsku*

cmuzilkri 8. *.ni'o ro da xi pa zo'u ro de poi tolvu'e xi parecivo zo'u ro da xi re poi gasnu de zo'u ganai da xi re cu me'oi .sincere. zungi lo nu da gasnu de kei gi'e ba troci lo nu noroi gasnu lo smimlu be de gi le cevni cu tcecpedu lo nu da xi pa cu fraxu da xi re lo nu da xi re cu gasnu de*

cmuzilkri 9. *.ni'o ro da zo'u lo nu da troci lo nu da cilre gi'a plixau cu zgadi fi le cevni*

cmuzilkri 10. *.ni'o ro da poi se facki zo'u ro de poi ke'a goi ko'a zo'u ko'a mutce ke me'oi .sincere. djica ke'e lo nu ko'a xamgu co'e kei gi'e mutce ke me'oi .sincere. djica ke'e lo nu le cevni cu jungau kei gi'e se nelci le cevni gi'e pu se nandu lo nu facki da ko'a zo'u le cevni cu jungau de zo'e da*

cmuzilkri 11. *.ni'o le cevni cu rolju'o*

cmuzilkri 12. *.ni'o ro da zo'u go da xamgu gi le cevni cu nelci da*

cmuzilkri 13. *.ni'o ro da zo'u ga xlali gi le cevni cu to'e nelci da*

cmuzilkri 14. *.ni'o le cevni cu xamgu*

cmuzilkri 15. *.ni'o to'e cumki fa lo nu le cevni cu morsi*

3.2 lo xamgu .e lo xlali

cmuzilkri 16. *.ni'o ro da poi djuno to'e kraice le gugde be da zo'u da xlali*

cmuzilkri 17. *.ni'o ro de poi tolvu'e xi parecivo zo'u ro da poi gasnu de zo'u ganai lo nu da gasnu de cu cabna lo nu da djuno le du'u de tolvu'e xi parecivo kei gi'e na me'oi .sincere. jinvi le du'u lo nu da gasnu de cu sarcu lo nu le gugde be da ku .a da cu snura kei kei .a le du'u da na kakne lo nu to'e gasnu de kei kei kei gi'e na me'oi .sincere. zungi lo nu da gasnu de kei gi'e na tolsurla troci lo nu no di poi smimlu de gi'e tolvu'e xi parecivo zo'u lo nu da gasnu di cu mulcabna lo nu da gasnu de gi da xlali*

cmuzilkri 18. *.ni'o su'o da poi na cesri'isi'a le cevni zo'u da xamgu*

cmuzilkri 19. *.ni'o su'o da poi cesri'isi'a le cevni zo'u da xlali*

cmuzilkri 20. *.ni'o lo nu tolcumla cu xlali*

cmuzilkri 21. *.ni'o ro da zo'u lo nu da jmimu'o cu xamgu*

cmuzilkri 22. *.ni'o lo nu zdile gi'e na gasnu lo xlali cu xamgu*

cmuzilkri 23. *.ni'o ro da poi xamgu zo'u lo nu filri'a da gi'e ku'i na filri'a lo xlali cu xamgu*

cmuzilkri 24. *.ni'o ro da poi xlali zo'u ro de poi gasnu da zo'u ganai de ka'e draga'i da gi lo nu de draga'i da cu xamgu*

cmuzilkri 25. *.ni'o ro da zo'u ganai da tolsurla troci lo nu da roro'i gasnu lo xamgu gi da xamgu*

cmuzilkri 26. *.ni'o ro da zo'u ro de poi na xlali zo'u ganai da nupre de gi lo nu da na gasnu de cu xlali*

cmuzilkri 27. *.ni'o ro da zo'u ro de poi na xlali zo'u lo nu lo nu da nupre de cu cabna lo nu da na zu'edji de cu xlali*

cmuzilkri 28. *.ni'o ro da poi na xlali zo'u lo nu sidju da gi'e gasnu lo no xlali cu xamgu*

cmuzilkri 29. *.ni'o ro da poi plini zo'u ro de poi prenu gi'e jutlei zo'e poi ke'a goi ko'a zo'u da stuzi lo nu zbasu ko'a zo'u ro di poi plini gi'e na du da zo'u ganai de xa'ucne da di gi de xlali*

cmuzilkri 30. *.ni'o ro da poi se lijda ko'a goi le lijda poi se skicu la .ti'ocku. zo'u ro de poi na se lijda ko'a zo'u lo nu da cpedu lo nu ko'a lijda de cu xlali*

cmuzilkri 31. *.ni'o ro de zo'u ganai de mutce xlafri lo nu selxai gi'e to'e kakne lo nu xilva gi lo nu mutce sutra catra de gi'e sisti lo nu de mutce xlafri cu xamgu gi'e na vlile*

cmuzilkri 32. *.ni'o ro da poi prenu zo'u ganai da gasnu lo xamgu po'o gi da xamgu*

cmuzilkri 33. *.ni'o ro da poi prenu zo'u ganai da gasnu lo xlali po'o gi da xlali*

cmuzilkri 34. *.ni'o ro da zo'u ganai cumki fa lo nu cikre da gi'e gasnu lo no xlali gi lo nu cikre da cu xamgu*

cmuzilkri 35. *.ni'o ro da zo'u da tadni lo cmaci cu xamgu*

cmuzilkri 36. *.ni'o ro da zo'u ro de poi xamgu zo'u ganai lo nu da selfai de cu na rinka lo nu da gasnu lo tolvu'e xi parecivo gi lo nu da selfai de cu xamgu*

cmuzilkri 37. *.ni'o lo ro nu me'oi .creative. ja'orzu'e fi lo ka certu kei gi'e na xlali cu xamgu*

3.3 le tolvu'e

3.3.1 lo tolvu'e xi parecivo

cmuzilkri 38. *.ni'o ro da zo'u go da tolvu'e xi parecivo gi ge da xlali gi cumki fa lo nu le cevni cu fraxu fi da*

cmuzilkri 39. *.ni'o lo ro nu vlile cu tolvu'e xi parecivo*

cmuzilkri 40. *.ni'o lo ro nu zerle'a cu tolvu'e xi parecivo*

cmuzilkri 41. *.ni'o lo ro nu gunta cu tolvu'e xi parecivo*

cmuzilkri 42. *.ni'o lo ro nu to'e pairnu'i cu tolvu'e xi parecivo*

cmuzilkri 43. *.ni'o lo ro nu jifyjunxu'a gi'e troci lo nu tcica cu tolvu'e xi parecivo*

cmuzilkri 44. *.ni'o ro da poi prenu zo'u ro de poi bridi zo'u lo ro nu fanta lo nu da cusku de gi'e na gasnu lo tolvu'e xi parecivo cu tolvu'e xi parecivo*

cmuzilkri 45. *.ni'o ro da poi prenu zo'u ro de poi bridi zo'u ro di poi prenu zo'u lo ro nu da camcpe lo nu di jinvi de cu tolvu'e xi parecivo*

cmuzilkri 46. *.ni'o ro da poi cizra zo'u lo ro nu malku'i da ki'u lo nu da cizri'a cu tolvu'e xi parecivo*

cmuzilkri 47. *.ni'o ro da zo'u ro de poi lijda zo'u lo ro nu da tolcru lo nu se lijda de cu tolvu'e xi parecivo*

Chapter 4

le plijaspu

.ni'o la'o gliban. public domain .gliban cu vasru la .ti'ocku. .i toldarsygau fi lo
nu zanfu'e